



Anekso A - Resúmen Informe di konsulta Kódigo Postal CN

Fecha 18 di yüni 2024
Státus DEFINITIVO

Kolofon

Título	Resúmen Informe di Konsulta Kódigo Postal CN
Number di vershon	1.0
	DG Digitalisering & Overheidsorganisatie DGDOO-DO- Identiteit & BRP Turfmarkt 147 2511 DP Den Haag

Kontenido

Kolofon—2

Anekso A Resúmen Informe di Konsulta Kódigo Postal CN—4

Anekso A Resúmen Informe di Konsulta Kódigo Postal CN

Kódigo postal pa Hulanda Karibense ta un tópiko ku for di ana 2010 kaba tin atenshon polítiko. No opstante, te dia di awe no tin kódigo postal disponibel. E Sekretario di Estado di Asuntunan Interno i Relashon den Reino a inkluí kódigo postal komo tema pa e grupo di trabou Hulanda Karibense den e akuerdo intergubernamental di 2022 ku e Entidat Públiko Saba. E tópiko a bini bou di direkshon di e "Project registraties & voorzieningen digitale overheid Caribisch Nederland" (Proyekto registrashon & fasilidat gobièrnu digital Hulanda Karibense) den e programa "Versterken digitale samenleving in het Caribisch deel van het Koninkrijk" (Fortalesé e sosiedat digital den e parti karibense di e Reino). Tur ta kai bou di linia 5 di e agènda di trabou Digitalisashon Guiá pa Norma.

For di entrevistanan ku stakeholdernan ta bini dilanti ku kódigo postal no ta balioso solamente pa entrega postal. Análisis di Universal Postal Union (UPU, Union Postal Universal) ta sostené esaki. E argumentonan prinsipal ta:

- Asignashon di kódigo postal na Hulanda Karibense ta kontribuí positivamente na un sintimentu di mas ekivalensia di siudadano i empresa entre Hulanda Karibense i Hulanda Oropeo. Un sita for di e entrevistanan:
 - "We do not feel equal to the European Netherlands in this regard. The quality of our lives, and the aspirations and future of our youth, business community and people in general, are of no less importance than European Dutch citizens" ("Den e sentido aki nos no ta sinti igual na Hulanda Oropeo. Kalidat di nos bida, aspirashonnan i futuro di nos hubentut, komunidat empresarial, i hendenan en general no ta ménos importante ku di siudadanonan hulandes oropeo").
- Kódigo postal ta kontribuí positivamente na mehorashon di e kadena di servisio postal. Kódigo postal ta yuda pa surti karta pa e diferente islanan mihó. Kódigo postal ta minimalisá insertidumbre tokante destinashon di pakete postal. Ademas, kódigo postal ta kontribuí na sostenibilitat komo ku e ta minimalisá e kantidat di karta ku ta entregá na e destinashon òf e isla robes. Un sita for di e entrevistanan klaramente ta ilustrá esaki:
 - "Aki mi tin algun karta destiná pa Saba i Sint Eustatius ku nan a manda bèk aki na Boneiru".
- Asignashon di kódigo postal ta promové partisipashon den e merkado internashonal. Kódigo postal tin un papel importante pa empresa (i siudadano) por partisipá riba e merkado internashonal o sea E-commerce.
- Por hasi uso di kódigo postal den kreashon di statistik i komparashon pa tur sorto di forma di segmentashon di merkado.
- Kódigo postal tin un papel importante den rekonosementu internashonal di e islanan BES. E sintimentu di union ta bira mas fuerte ora pone e islanan BES riba e mapa internashonal. E punto aki ta kuadra ku loke UPU ta enfatisá, esta ku kódigo postal por fortalesé unidat den un pais ("a country's unity").

Al fin i al kabo, e pregunta no ta si mester bini kódigo postal, sino partikularmente, kon un sistema di kódigo postal pa Hulanda Karibense mester mostra i kiko ta e mihó strategia pa implementashon. E kondishonnan básiko esensial di mas importante ku a bini dilanti pa esaki for di investigashonnan i entrevistanan ta:

- Tene kuenta ku e konteksto lokal
- Envolví konosementu i eksperensia tantu for di Hulanda Karibense lokal komo for di Hulanda Oropeo i UPU.

- Kódigo postal ta konektá di forma inseparabel ku adrès, siendo ku un bon kalidat di adrès ta un kondishon básiko esensial.

Investigashon anterior a konfirmá e nesidat di un registrashon di adrès sentral, i a proponé un modelo di kresementu pa traha ariba pa finalmente yega na un registrashon sentral di adrès i edifisio pa Hulanda Karibense (BAG CN). Entretantu a start un proyekto pa yega na un registrashon sentral di adrès inkluso un referensia geográfiko riba mapa. E rekomendashon ta pa strukturá desaroyo di e sistema di kódigo postal a base di e konteksto aki mas aleu.

Tin tres variante di sistema di kódigo postal ku a studia mas aleu; dos variante ku ta kai den e sistema di kódigo postal hulandes oropeo i un variante ku ta kai pafó di esei. Huntu ku PostNL a hasi un promé eksplorashon. Den kuadro di e maneho di *comply or explain* por mensioná hopi bentaha pa hasi uso di e mesun struktura pa kódigo postal na Hulanda Karibense ku na Hulanda Oropo. E konseho ta pa skohe pa e "variante 0". E variante aki ta hasi uso di e serie 0000XX-0999XX òf un parti di esei. Den konsulta ku stakeholdernan lokal i ku un aporte di PostNL, lo mester sigui duna kontenido mas aleu na esaki. E variante aki ta brinda tur espasio pa diferensia entre Hulanda Karibense, e islanan individual, i partinan di supmunisipio/distrito/bario/kaya.

Lo repartí e ruta di mapa den dos fase. Di un banda e eksplorashon, i di otro banda un plan di akshon pa yega na implementashon. Durante e eksplorashon, mester organisá e organisashon di proyekto (grupo di trabou), i ta importante pa hasi e maneho di e trayekto transparente. Ken ta disidí tokante kiko i ki ora? UPU ta bisa ku introdukshon di kódigo postal ta mas un reto di maneho ku un reto tékniko. Ta importante pa tantu e stakeholdernan karibense komo esnan oropeo realisá e toma di desishon nesensario na nan propio banda promé ku ehekushon di e trabounan. UPU ta bisa ku, ku un bon infrastruktura, ta posibel pa realisá un sistema di kódigo postal den ménos ku un aña, di desishon inisial te implementashon total (inkluso banco di dato, organisashon, komunikashon, i distribushon di kódigo postal). Den e proyekto tambe lo mester konsiderá e impakto riba legislashon i regulashon.

Den e informe di konsulta a inkluí konsehonan relashoná, entre otro aktualisashon di informashon serka UPU i kodifiksahon di paisnan ISO. E konklushon final ta espesialmente pa no hasi e proyekto di kódigo postal muchu grandi, i pa repartí bon den diferente fase. Un ehèmpel di esaki ta e konseho pa no konektá kódigo postal mesora na e administrashon básiko di dato personal. Kuminsá promé ku un bon konfigurashon di e sistema di kódigo postal (diseño i realisashon), konektá na un registro di adrès pa Hulanda Karibense. Un pia un pia, implementá uso di e kódigo postal den otro registro.